



BOSNIA AND HERZEGOVINA
MINISTRY OF FINANCE
AND TREASURY

Broj: 05-022-148-1/19
Sarajevo, 03.01.2019. godine

SVIM BUDŽETSKIM KORISNICIMA

Predmet: Instrukcija za sačinjavanje operativnih/dinamičkih planova budžetkih korisnika u skladu sa Odlukom o privremenom finansiranju institucija BiH za period januar - mart 2019. godine

Na osnovu člana 11. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), Vijeće ministara Bosne i Hercegovine, na 161. sjednici održanoj 13.12.2018. godine, donijelo je Odluku o privremenom finansiranju institucija BiH za period januar - mart 2019. godine.

U skladu sa navedenom Odlukom, a u cilju održavanja budžetske ravnoteže, svi su budžetski korisnici dužni Ministarstvu finansija i trezora BiH **najkasnije do 15.01.2019. godine** podnijeti prijedloge operativnih/dinamičkih planova za januar, februar i mart 2019. godine za tekuće izdatke (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za prvi kvartal 2019. godine ne može biti veći od 1/4 sredstava usvojenih u Zakonu o budžetu institucija BiH i međunarodnih obaveza BiH za 2018. godinu („Službeni glasnik BiH“, broj 8/18). **Obavezuju se korisnici da rasporede rashode po prioritetima izvršenja, s tim da će Ministarstvo finansija i trezora BiH, s obzirom na ograničenost priliva prihoda, izvršiti raspored rashoda u skladu sa prioritetima izvršenja definisanim u članu 18. Zakona o finansiranju institucija BiH („Službeni glasnik BiH“, br. 61/04, 49/09, 42/12, 87/12 i 32/13).**

Budžetski korisnici ne mogu započinjati nove ili proširene programe i aktivnosti dok se ne odobre u Budžetu institucija BiH za 2019. godinu.

Dinamičke planove (tabele) popuniti u skladu sa „Instrukcijom o načinu izrade operativnih planova za izvršenje Budžeta institucija BiH za 2018. godinu i o načinu praćenja programa posebnih namjena“ (www.mft.gov.ba).

Obavezuju se budžetski korisnici da prilikom popunjavanja analitičkih kategorija vode računa o ograničenjima u skladu sa Pravilnikom o korištenju telefona, Pravilnikom o korištenju sredstava za reprezentaciju i Pravilnikom o uslovima nabavke i načinu korištenja službenih vozila u institucijama Bosne i Hercegovine (objavljenih u „Službenom glasniku BiH“, br. 26/14, 81/14, 78/15, 42/17, 53/17, 62/17 i 34/18).

Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva u toku 2019. godine. Nerealizovani programi posebnih namjena finansirani iz namjenskih sredstava i nerealizovana sredstva na ime višegodišnjih kapitalnih projekata iz 2018. godine davat će se na raspolaganje, naknadno na osnovu zahtjeva za prenos istih u 2019. godinu, u skladu sa članom 14. Zakona o finansiranju institucija BiH.

Izvršenje Budžeta institucija BiH u dijelu rashoda operativno će se usklađivati s dinamikom ostvarenja prihoda predviđenih Budžetom.

S poštovanjem,

PRILOG:
Tabele 1 – 4

MINISTAR

Vjekoslav Bevanda, s.r.